

اتوار 26 اکتوبر، 2025

مضمون۔ مرن دے بعدوں امتحان

سنہری متن: یرمیاہ 29 باب 11 آیت

”کیوں جے میں تہاڈے حق وچ اپنے خیالاں نوں جان داواں خداوند آکھدا اے یعنی سلامتی دے خیال۔ بریائی دے نئیں تاں جو میں تہانوں نیک انجام دی آس بخشاں۔“

جوابی پڑھائی: کلیسیاں 1 باب 3، 9 توں 13 آیتاں

3۔ اسی تہاڈے واسطے سدا دعا کر کے اپنے خداوند یسوع مسیح دے باپ مطلب رب دا شکر کرنے والے۔

9۔ ایس لئی جیس دن توں ایہہ سنیا اے اسی وی تہاڈے لئی ایہہ دعا کرن تے درخواست کرن توں باز نئیں آوندے پئی تسی کمال روحانی سیان تے سمجھ نال اوہدی مرضی دے علم نال معمور ہو جاو۔

10۔ تاں جو تہاڈا چال چلن خداوند دے لائق ہووے تے اوہنوں ہر طراں پسند آوے تے تہاڈے وچ ہر طراں دے نیک کم دا پھل لگے تے رب دی پچھان وچ ودھ دے جاو۔

11۔ تے اوہدے جلال دی قدرت دے مطابق ہر طراں دی قدرت توں طاقت والے ہندے جاو تاں جو خوشی نال ہر صورت وچ صبر تے تحمل کر سکو۔

12۔ تے باپ دا شکر کر دے رہو و جنسے ساہنوں ایس لائق کیتا پئی نور وچ مقدساں دے نال حصہ پائیے۔

13۔ اوہنے ای ساہنوں ہنیرے دے قبضے توں چھڑا کے اپنے لاڈلے پتر دی بادشاہی وچ داخل کیتا۔

درسی وعظ

بائبل وچوں

1۔ امثال 4 باب 23 آیت

23۔ اپنے دل دی چنگی طراں حفاظت کر کیوں جے حیاتی داسر سدا اوہ ای اے۔

2۔ اعمال 21 باب 39 (پولوس) (توں پہلی،) آیت

39۔ پولوس نے آکھیا،

3۔ اعمال 22 باب 3، 5 (میں) 8، 10 تا 15 آیتاں

- 3۔ میں یہودی واں تے کلکیہ دے شہر ترسُس وچ پیدا ہو گیا پر میری تربیت ایس شہر وچ گملی ایل دے پیراں وچ ہوئی تے میں باپ دادا دی شریعت دی خاص پابندی دی تعلیم پائی تے رب دی راہ وچ ایخ سرگرم سی جیویں تسی سارے اج دے دن اوہ۔
- 5۔ اوہناں کولوں میں بھرانوں دے ناں چٹھی لے کے دمشق نوں گیتاں جو جنسے او تھے ہو وں اوہناں نوں وی بھ کے یروشلیم وچ سزا دین لئی لیاں اوں۔
- 6۔ جد میں سفر کردا کر داد مشق دے کول اپڑیا تے ایخ ہو گیا پی دوپہر دے ویلے اک وڈھی لو اسمان توں میرے آل دوالے چمکی۔
- 7۔ تے میں دھرتی تے ڈگ پیا تے ایہہ آواز سُنی پئی اے ساؤل اے ساؤل! توں مینوں کیوں ستاؤنا ایں۔
- 8۔ میں جواب دتا پئی اے خداوند! تو کون ایں! اوہنے مینوں آکھیا میں یسوع ناصری واں جنہوں تو ستاؤنا ایں۔
- 10۔ میں آکھیا اے خداوند میں کیہ کراں؟ خداوند نے مینوں آکھیا اٹھ کے دمشق نوں جا۔ جو کجھ تیرے کرن لئی مقرر ہو گیا اے او تھے تینوں سارا دسیا جاوے گا۔
- 11۔ جد مینوں اوس لودے جلال پاروں کجھ وکھالی نہ دتاتے میرے ساتھی میرا ہتھ پھڑ کے مینوں دمشق نوں لے گئے۔
- 12۔ تے حننیاہ ناں دا اک بندہ جیہڑا شریعت دے مطابق دیندار تے او تھے دے سارے رہن والے یہودیوں وچالے نیک نام سی۔
- 13۔ میرے کول آیا تے کھڑا ہو کے مینوں آکھیا بھائی ساؤل فیر سجا کھا ہو جا! اوسے ویلے سجا کھا ہو کے میں اوہنوں ویکھیا۔
- 14۔ اوہنے آکھیا ساڈے پیو دادے دے رب نے تینوں ایس لئی مقرر کیتا اے پئی توں اوہدی مرضی نوں جانیں تے اوس راستباز نوں ویکھیں تے اوہدے منہ دی آواز نوں سُنیں۔
- 15۔ کیوں جے توں اوہدے ولوں سارے بندیاں سے سامنے اوہناں گلاں دا گواہ ہو نوں گا جیہڑیاں توں ویکھیاں تے سنیاں نیں۔

4۔ اعمال 14 باب 1، 2، 19، 20 آیتاں

- 1۔ تے اُکنیم وچ اینج ہو یا پئی اوہ نال نال یہودیاں دے عباد تخانے وچ وی گئے تے اجیہا وعظ کیتا پئی یہودیاں تے یونانیاں دونواں داک وڈھا جتھا ایمان لیا یا۔
- 2۔ پر نافرمان یہودیاں نے غیر قوم والیاں دے دلاں وچ جوش پیدا کر کے اوہناں نوں بھرانواں ولوں بدگمان کر دتا۔
- 19۔ فیر کجھ یہودی انطاکیہ تے اُکنیم توں آئے تے لوکاں نوں اپنے دل کر کے پولوس نوں سنگسار کیتا تے اوہنوں مردہ سمجھ کے شہروں باہر کڑھیس کے لے گئے۔
- 20۔ پر جد چیلے اوہ دے آل دوالے آکھلوتے تے اوہ اُٹھ کے شہر وچ آیا تے دوجے دن برنباس دے نال دربے نوں ٹر گیا۔

5۔ اعمال 20 باب 7 تا 12 آیتاں

- 7۔ ہفتے دے پہلے دن جد اسی روٹی توڑن لئی اکٹھے ہوئے تے پولوس نے دوجے دن ٹر جان دا ارادہ کر کے اوہناں نال گلاں کیتیاں تے ادھی رات تیکر کلام کر دارہیا۔
- 8۔ جیس بالا خانہ وچ اسی اکٹھے ہوئے سی اوہ دے وچ بوہت سارے دیوے بل رہے سی۔
- 9۔ یو تحس ناں داک جوان منڈا باری وچ بیٹھا سی۔ اوہ دے اُتے نیند ردا بوہت غلبہ سی تے جد پولوس بوہتے چر تیکر گلاں کر دارہیا تے اوہ نیند ر دے غلبے وچ تیجی منزل توں میٹھاں ڈگ پیا تے جد چکیا گیا تے مردہ سی۔
- 10۔ پولوس اتر کے اوہ دے نال چمڑ گیا تے گلے لاکے آکھیا گھبراؤ نہ۔ لہدے وچ جان ہے اے۔

11- فیر اُتے جا کے روٹی توڑی تے کھا کے ایہناں چراوہناں نال گلاں کردارہیا پئی سویر ہو گئی۔ فیر اوہ ٹر گیا۔

12- تے اوہ اوس منڈے نوں جیوندہ لیاے تے اوہناں دی بڑی خاطر جمع ہوئی۔

6- اعمال 27 باب 1 (تا پہلی)، 2 (تا دوجی)، 14 (تیس)، 20، 21 (تا دوجی)، 22 (میں)، 25، 44 (تے ایخ) آیتاں

1- تے جدوں اطالیہ نوں ساڈا جانا ٹھہر گیا۔

2- تے اسی اردمیم دے ایک جہاز اُتے روانہ ہوئے۔

14-۔۔۔ تھوڑی دیر تیکر اک بڑی طوفانی ہوا جیہڑی یورکلون اکھواندی اے کریتے توں جہاز اُتے آئی۔

20- تے جدوں بوہت دیر تیکر نہ سورج نظر آیا نہ تارے تے تیز ہنیری چل رہی سی تے اخیر ساہنوں اپڑن دی اُمید بالکل نہ رہی۔

21- تے جدوں بوہت فاقہ کر بیٹھے تے پولوس نے اوہناں دے وچکار کھڑے ہو کے آکھیا۔

22- میں تہانوں نصیحت کرداں آں پئی خاطر جمع رکھو کیوں جے تہاڈے وچوں کسے دی جان دا نقصان نہیں ہووے گا پر جہاز دا۔

23- کیوں جے رب جیدا میں آں تے جیدی عبادت وی کردا آں اوہدے فرشتے نے ایسے رات میرے کول آکے۔

24- آکھیا، اے پولوس! نہ ڈر، ضرور اے پئی توں قیصر دے سامنے حاضر ہونویں تے ویکھ جسے لوک تیرے نال جہاز اُتے سوار نہیں اوہناں ساریاں دی رب نے تیری خاطر جان بخشی اے۔

25- ایس لئی اے صاحبو! خاطر جمع رکھو کیوں جے میں رب دا یقین کردا آں جیویں مینوں آکھیا گیا اے اوہداں ای ہووے گا۔

44- تے اوہ سمندر وچ چھڈ دتے گئے۔

7۔ اعمال 28 باب 1، 3، 5، 30، 31 آیتاں

- 1۔ جدوں اسی اڑ گئے تے جانی پئی ایس ٹاپو دانا م ملے اے۔
- 2۔ تے اوہناں اجنبیاں نیں ساڈے اُتے خاص مہربانی کیتی کیوں جے مینہ دی چھڑی تے جاڑے دی وجہ توں اوہناں نیں اگ بال کے ساڈی ساریاں دی خاطر کیتی۔
- 3۔ جدوں پولوس نے لکڑیاں دا گٹھا جمع کر کے اگ وچ سٹیا تے اک سب گرمی پاروں نکلیا تے اوہدے ہتھ اُتے چڑھ گیا۔
- 5۔ تے اوہنے کیڑے نوں اگ وچ جھٹک دتا تے اوہنوں کوئی نقصان نہ ہوئیا۔
- 30۔ تے اوہ پورے دو ورھے اپنے کرائے دے گھر وچ رہندار ہیا۔ تے جیہڑے اوہدے کول آؤندے سی ساریاں نوں ملد ارہیا۔
- 31۔ تے کمال دلیری نال بغیر روک ٹوک توں رب دی بادشاہی دی منادی کردا تے خداوند یسوع مسیح دیاں گلاں سکھاؤند ارہیا۔

8۔ 2 کرنتھیوں 5 باب 17 آیت

- 17۔ ایس لئی جے کوئی مسیح وچ اے تے اوہ نوں مخلوق اے۔ پرانیاں شیواں جاندیاں رہیاں۔ ویکھو اوہ نویاں ہو گیاں۔

سائنس تے صحت

1- 13-12:291

عالمگیر مکتی ترقی تے امتحان اُتے مرکوز اے، تے ایہناں دے بغیر حاصل کرنی ناممکن اے۔

2- 12-5:99

رسول آکھدا اے، ”ڈردے تے کمبدے ہوئے اپنی مکتی داکم کر دے جاؤ،“ تے اوہ سدھاسدھایہہ گل شامل کردا اے پئی، ”کیوں جے جیہڑا تہاڈے اندر نیت تے عمل دونواں نوں اپنے نیک ارداے نوں پورا کرن لئی پیدا کردا اے اوہ رب اے،“ (فلیپیوں 2 باب 12، 13 آیتاں)۔ سچیاں نے بادشاہی دی چابی تیار کر لئی اے، تے ایس چابی دے پاروں کر سچن سائنس نے انسانی فہم دا بوہا کھول لیا اے۔ کوئی وی تالہ نئیں چک سکدا تے نہ ای کسے بوہے چوں لنگ سکدا اے۔

3- 7-1:233

ہر دن ساتھوں مسیحی قوت دے پیشیاں دی بجائے اعلیٰ ثبوتاں دی مانگ کردا اے۔ ایہہ ثبوت پورے طور تے روح دی طاقت نال پاپ، بیماری تے موت دی تباہی نال بنے نیں، جیویں مسیح نے اوہناں نوں تباہ کیتا سی۔ ایہہ ترقی داک غصراے، تے ترقی رب دا قانون اے، جیدا قانون ساہتھوں بس اوہ ای مانگ کردا اے جو اسی یقینی طور تے پورا کر سکدے آں۔

4- 23-2:254

اوہ لوک مضبوط ہندے نیں جیہڑے دھیان رکھ دیاں ہوئے تے دعا کر دیاں ہوئے ”نس دے نیں تے تھک نیں سکدے۔۔۔ ٹر دے نیں تے ماندہ نیں ہو سکدے“، جیہڑے چھیتی نال چنگیائی حاصل کر دے نیں تے اپنی ایس حالت نوں برقرار رکھ دے نیں، یا ہولی ہولی حاصل کر دے تے نہ امیدی نوں نیں پیدا ہو ون دیندے۔ رب کاملیت منگد اے پر اوس ویلے تیکر نیں جدوں تیکر روح تے بدن دے وچکائے جنگ نہ لڑی جاوے تے جتنی نہ جاوے۔ پیر پیر اُتے وجودیت دیاں روحانی اسیلیتاں نوں حاصل کرن توں پہلاں مادی طور تے کھانا، پینا یا پاؤنا بند کرنا ٹھیک نیں۔ جدوں اسی صبر نال رب دی اڈیک کر دے آں تے راستبازی نال سچائی نوں لبھدے آں تے اوہ ساڈی راہ وچ ہدایت کردا اے۔ غیر کامل انسان ہولی ہولی اصلی روحانی کاملیت نوں پکڑ وچ کر لیندا اے، پر ٹھیک طراں شروع کرن لئی تے ہستی دے وڈھے مسئلے نوں ظاہر کرن دے معاملے نوں جاری رکھنا بوہت وڈھا کم اے۔

نفسی دور وچ، پوری کر سچن سائنس نوں اوس تبدیلی توں پہلاں حاصل نیں کیتا جاسکدا جنہوں موت داناں دتا گیا اے، کیوں جے جنہوں اسی سمجھ نیں سکدے اوہنوں ظاہر کرن دی طاقت ساڈے وچ نیں اے۔ پر انسانی خودی نوں انجیلی تبلیغ ملنی چاہیدی اے۔ آج رب ساڈے توں ایس کم نوں منن تے جلدی نال عملی طور تے مادی نوں ترک کرن تے روحانی اُتے عمل کرن دا مطالبہ کردا اے جیدے توں بیرونی تے اصلی دا اندازہ ہندا اے۔

5- 30-6:428

لکھاری نے ناامید عضوی بیماری نوں شفا دتی، تے بس رب نوں ای حیاتی من دے راہیں مرن والے نوں زندہ کیتا۔ ایہہ مناں پاپ اے پئی کوئی شے قادر مطلق تے ابدی حیاتی نوں نیواں کر سکدی اے، تے ایہہ سمجھ دیاں ہوئے پئی

موت نئیں اے تے ایہدے نال نال روح دے فضلاں نوں سمجھناں حیاتی وچ لولیاؤند اے۔ فیروی ساہنوں اختیار دے سادہ اظہار دے نال شروعات کرنی چاہیدی اے، تے جنہی چھیتی اسی ایہہ شروع کر اں گے اوہنا ای چٹگاے۔

6- 296:4(ترقی)-13

ترقی تجربے نال پیدا ہندی اے۔ ایہہ فانی انسان دی مضبوطی اے، جیدے راہیں لافانی دی خاطر فانی بندے نوں چھڈ دیتا جاندا اے۔ بھانویں ایہتھے یا ایہدے بعد، تکلیفاں یا سائنس نوں حیاتی تے سیان دے بارے سارے بھرماں نوں مٹا دینا چاہیدی اے، تے مادی سیان تے خودی نوں نویں سرے توں پیدا کرنا چاہیدی اے۔ پرانی انسانیت نوں اوہدے کماں دے نال منسوخ کر دینا چاہیدی اے۔ کوئی وی نفس پرستی یا پاپ آلود شے فانی نئیں اے۔ ایہہ مادے دی موت نئیں بلکہ جھوٹے مادی فہم تے پاپ دی موت ای اے جنہوں انسان تے حیاتی ہم آہنگ، اصلی تے ابدی ظاہر کردے نیں۔

7- 258:9-15

انسان اپنے اندر اک دماغ رکھ دیاں ہوئے مادی صورت توں کتر ودھ کے اے، جنہوں لافانی رہن لئی اپنے ماحول توں بچ کے رہنا چاہیدی اے۔ انسان ابدیت دا پر چھانواں اے، تے ایہہ پر چھانواں رب دا اصلی خیال اے۔

ایہدی وسعت تے حدوں باہر بنیاداں توں اُچی پرواز نوں ودھاؤندیاں ہوئے رب انسان وچ لا محدود خیال نوں ظاہر کردا اے۔

8- 324:2-6,13(ایہہ)-18

غلط نشانیاں نوں جھڈن دی خوشی تے اوہناں نوں غائب ہندیوں ویکھن دی خوشی، ایہہ صلاح ساری ہم آہنگی نوں تیزی نال پورا کرن وچ مدد دیندی اے۔ سمجھ تے اپنے آپ دی پاکیزگی ترقی دا ثبوت اے۔ ”دھن نیں اوہ جیہڑے پاکدل نیں؛ کیوں جے اوہ رب نوں ویکھن گے۔“

جیہڑی راہ ایس فہم ول لے جاندی اے پئی کلاب ای حیاتی اے اوہ راہ سدھی تے سوڑی اے۔ ایہہ بدن دے نال اک لڑائی اے، جیدے وچ پاپ، بیماری تے موت اُتے ساہنوں فتح پاؤنی چاہیدی اے بھانویں ایہتھے یا ایہدے توں بعد، یقیناً ایس توں پہلاں پئی اسی روح دے مقصد، یارب وچ حیاتی حاصل کرن تیکر اپڑ سکئے۔

9- 31-23:291

جیویں فانی انسان نوں موت ملدی اے، اوہ مرن توں بعد اونچ دا ای ہووے گا، جد تیکر پئی آزمائش تے ترقی کوئی ضروری تبدیلی نہ لیاوے۔ سیان کدی مٹی نیں ہندی۔ قبر وچوں جی اٹھنا سیان یا حیاتی دی اڈیک نیں کردا، کیوں جے قبر داد و نواں اُتے اختیار نیں اے۔

اخیری عدالت انساناں دی اڈیک نیں کردی کیوں جے حکمت دا حشر دیہاڑا ہر ویلے تے لگاتار جاری رہندا اے، ایہتھے تیکر پئی اوہ عدالت وی جیدے راہیں فانی انسان ساری مادی غلطی توں بے نقاب کیتا جاند اے۔

10- 20-2:271

ساڈے استاد نے آکھیا، ”پر مددگار۔۔۔ تہانوں ساریاں گلاں سکھاوے گا۔“ جد مسیحت دی سائنس ظاہر ہووے گی، تے اوہ تہانوں پوری سچیاں وی لے کے جاوے گی۔ پہاڑ اُتے وعظ ایس سائنس دا جوہر اے، تے ہمیشہ دی حیاتی، نہ پئی یسوع دی موت، ایسا نتیجہ اے۔

اوہ لوکی، جیہڑے اپنے جال نوں جھڈن یا سچیاں لئی سچے پاسے سٹن نوں تیار نہیں اوہناں دے کول پہلے وانگر، سکھن تے مسیحی شفا اُتے عمل کرن دا موقع اے۔ ایسا دے اُتے ای صحیفے مشتمل نیں۔ کلام دی روحانی اہمیت ایہہ طاقت دیندی اے۔ پر جیویں پئی پولوس آکھدا اے، ”منادی کرن والے دے بغیر کیویں سنن؟ تے جد تیکر اوہ گھلے نہ جان منادی کیویں کرن؟“ جے اوہ گھلے گئے نیں تے منادی کیویں کرن گے، تبدیل کیویں کرن گے تے لوکاں نوں شفا دین گے، جد کہ لوک ای نہ سنن؟

11- 32-27:254

جے تسی ہمیشہ مشتعل پر سچیاں دے صحت والے پانی اُتے چھمک سٹ دے او، تے تہانوں طوفاناں دا سامنا کرنا پوے گا۔ تہاڈی نیکی نوں بدی آکھیا جاوے گا۔ ایہہ ای سولی اے۔ ایہنوں چکوتے برداشت کرو، کیوں جے ایسا دے راہیں ای تسی جت دے او تے تاج پاؤندے او۔ دھرتی اُتے مسافرا، اسمان تہاڈا گھر اے؛ اجنبی او، رب دے تسی پرونے او۔

12- 30-24:568

بس اک کلمے پاپ اُتے فتح مندی لئی اسی لشکراں دے خداوند دا شکر کر دے تے اوہدی وڈیائی بیان کر دے آں۔ سارے پاپاں اُتے اک وڈھی جت نوں اسی کیہ آکھاں گے؟ اسمان اُتے ایس توں پہلاں ایہناں مٹھا، اک اُچا گیت نیں

اُڑیا، جیہڑا ہن مسیح دے وڈھے دل دے نیسٹے تے واضح ہو کے اُڑ دا اے؛ کیوں جے الزام لاؤن والا او تھے ننیں اے، تے پیار اپنا بنیادی تے ہمیشہ رہن والا تناؤ باہر کڈھدا اے۔

13- 7:492 (ہستی)۔12

ہستی، پاکبازی، ہم آہنگی تے لافانیت اے۔ ایہہ پہلے توں ای ثابت ہو گیا اے پئی ایہدا علم، حالانکہ معمولی درجے اُتے وی، انساناں دے بدنی تے اخلاقی معیار نوں اُچا کرے گا، عمر دی لمبائی ودھاوے گا، کردار نوں پاک تے اُچا کرے گا۔ ایس لئی ترقی ساری غلطی نوں تباہ کرے گی تے لافانیت نوں لو وچ لیاوے گی۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی بیارای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال بیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔